

永新縣志卷之五

永新縣知縣王瀚輯

秩禮第五

祭祀 上任

慶賀 講讀

開讀 鄉飲

救護

鞭春

禮緣義起莫大於祭王者崇德報功著為令典勸孝勸忠胥於是乎在方今

神聖在御祀事載虔天人享格凡有關於民義者罔不

備秩宗定其儀制刊發直省而於飲射讀法諸禮尤加詳焉事雖郡國共見有司歲守弗違未敢以泛常論也作秩禮志

祭祀

永新縣志

秩禮卷五

祭祀

七十七

歲春秋仲月上戊日致祭社禩之神

規制見祀壇

凡祭用

羊二豕二帛二爵三登一釂二籩四豆四簋二簋

二樂用鼓吹其詞曰維神莫安九土粒食萬邦分

五色以表封圻育三農而蕃稼穡恭承守土肅展

明禋時屆仲春秋敬修祀典庶九九松栢鞞磬石於

無疆翼翼黍苗佐神倉於不匱

歲春秋仲月上辰日致祭風雲雷雨山川之神

規制見祠

壇凡祭用帛七羊二豕二爵三登一釂二籩四豆

四簋二簋二樂用鼓吹其詞曰維神贊襄天澤福

佑蒼黎佐靈化以流形生成永賴乘氣機而鼓盪



溫肅攸宜磅礪高深長保安貞之古憑依鞏固實  
資捍禦之功幸民俗之殷盈仰神明之庇護恭修  
歲祀正值良辰敬潔豆觴祗陳牲幣

歲奉部文行日致祭先農之神規制見祠壇凡祭用羊一

豕一帛一爵三其詞曰維神肇興稼穡粒我蒸民  
頌思文之德克配彼天念率育之功常陳時夏茲  
當東作咸服先疇洪惟

九五之尊歲舉三推之典恭膺守土敢忘勞民謹奉  
章聿修祀事惟願五風十雨嘉祥恒沐於神庶  
幾九穗雙岐上瑞頻書於大有祭畢耕藉田行謝

永新縣志 秩禮卷五 祭祀

恩禮

歲四月上辛日常雩祭社稷先農山川之神凡祭用  
羊一豕一帛一爵三登一鉶一籩四豆四簋二簋  
二其詞曰時維首夏蒼龍御辰是耕是耨民事方  
殷念彼百穀地生天成聿修禋祀虔告神明當夜  
而雨當晝而晴鳴條勿睹破塊不驚佑我南畝粒  
我蒸民神其來格鑒此精誠

歲春秋上丁日致祭

先師廟正獻官分獻官前三日致齋詣齋沐所習儀  
至期齊集三跪九叩行三獻禮悉如制祝曰維



先師德隆千聖道冠百王揭日月以常行自生民  
未有屬文教昌明之會正禮和樂節之時辟雍鐘  
鼓咸恪薦於馨香泮水膠庠益致嚴於籩豆茲當  
春秋仲祗率彝章肅展微忱聿將祀典以復聖顏子  
宗聖魯子述聖子思子亞聖孟子配分獻官就十  
二哲東西廡獻帛爵先於初集時至啓聖祠祭啓  
聖如祭先師儀祝曰維王奕葉鍾祥光開聖緒盛  
德之後積久彌昌凡聲教所覃敷率循源而溯本  
宜肅明禋之典用申守土之忱茲屆仲春秋聿修祀  
事以先賢顏氏先賢魯氏先賢孔氏先賢孟孫氏

永新縣志

秩禮卷五

祭祀

七十九

配

迎神唱樂奏咸平之曲詞曰大哉孔子先覺先知  
與天地參萬世之師祥徵麟綬韻答金縵日月既  
揭乾坤清夷

初獻唱樂奏寧平之曲詞曰予懷明德玉振金聲  
生民未有展也大成俎豆千古春秋上下清酒既  
載其香始升

亞獻唱樂奏安平之曲詞曰式禮莫愆升堂再獻  
響協鼗鏞誠孚壘甌肅肅雍雍譽髦斯彥禮陶樂  
淑相觀而善



終獻唱樂奏景平之曲詞曰自古在昔先民有作  
皮弁祭菜於論思樂惟天牖民惟聖時若彝倫攸  
叙至今木鐸

徹饌唱樂奏咸平之曲詞曰先師有言祭則受福  
四海覺宮疇敢不肅禮成告徹毋䟽毋瀆樂所自  
生中原有菽

送神唱樂奏咸平之曲詞曰鳧繹戔戔洙泗洋洋  
景行行止流澤無疆聿昭祀事祀事孔明化我蒸  
民育我膠庠

歲奉部文行日致祭忠義神武關聖大帝

規制見  
祠壇凡

永新縣志

秩禮卷五

祭祀

八十

祭用牛羊豕各一帛一爵三籩八豆八其詞曰維  
帝浩氣凌霄丹心貫日扶持正統而彰信義威震  
九州完大節以篤忠貞名高三國神明如在徧祠  
宇於寰區靈應丕昭薦馨香於歷代屢徵異蹟顯  
佑羣生恭值嘉辰遵行祀典筵陳籩豆几奠牲醪  
是日初集時先祭三公祠用羊豕各一帛三爵三  
其詞曰維公世澤貽庥靈源積慶德能昌後篤生  
神聖之英善則歸親宜享尊榮之報列上公之封  
爵錫命優隆合三世以肇禋典章明備恭逢諏吉  
祇事薦馨



歲奉部文行日致祭龍神規制見祠壇凡祭用豕一羊一

帛一爵三其詞曰維神德洋洋寰海澤潤蒼生允襄

水土之平經流順軌廣濟泉源之用膏雨及時績

奏安瀾占大川之利涉功資育物欣庶類之蕃昌

仰藉神庥宜隆報享謹遵祀典式協良辰敬布几

筵肅陳牲幣

歲春秋仲月上辰日合祭城隍之神於山川壇規制見祠壇

壇儀制全前

歲春秋仲月上丁日致祭名宦祠規制見祠壇凡祭用豕

一羊一帛一爵三其詞曰惟公宦遊西江勲名蓋

永新縣志 秩禮卷五 祭祀 八十一

世澤在禾川遺思弗替某等忝職茲邦恭值春秋祭

注帛隻虔神其臨涖景仰芳徽益增愧厲

歲春秋仲月上丁日致祭鄉賢祠規制見祠壇凡祭品儀

注悉如名宦其詞曰維公兩閩淑氣挺秀禾源惟

忠惟孝廉節高騫垂芳志乘樹範里門某等恭逢

春秋仲潔治壺尊靈其戾止鑒此蘋蘩

歲春秋仲月上丁日致祭忠義孝弟祠規制見祠壇凡祭

品儀注悉如名宦鄉賢其詞曰維靈稟賦貞純躬

行篤實忠誠奮發貫金石而不渝義問宣昭表鄉

閭而共式祈事懋燹倫之大性摯莪蒿克恭念天



顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格

几筵

歲春秋仲月上丁日致祭節孝祠

規制見祠壇

凡祭品儀

注悉如名宦鄉賢其詞曰維靈純心皎潔令德柔嘉矢志完貞表閭中之亮節端誠致敬彰閭內之芳型茹水蘖而彌堅清捺自厲奉盤匱而匪懈篤孝傳徽

絲綸特沛乎

殊恩祠宇昭垂於令典祇循歲祀式薦尊膠

永新縣志

秩禮卷五

祭祀

八十一

歲四月後遇旱而雩凡祭品儀注悉照祭先農禮雨降報祭亦如之其詞曰瞻彼隴畝盡焉心傷維此農月胡爲恒暘翼與旆穉云萎而黃我民何辜罹此凶殃惟神仁愛其降皇皇觸石膚合甘雨其滂亦旣霑足迺有倉箱神之聽之我享我將

歲有水災乃設禳祭祭日不用牲幣仍禁屠宰祭品如祭社稷山川皆北向兩行三獻爵禮傍置大鼓數架祭畢伐鼓凡三百三十三下爲一通擊數通而散其詞曰陰陽違序零雨浹甸疆理旣沒禾稼就沉憂心孔疚神胡不聞我鼓如雷我衆如林神



其踔厲驅此層陰應時開霽朗耀日星穎粟是卜  
篝車是徵報爾豐祀有飶其馨晴即報謝祭亦如  
之

歲清明中元十月朔致祭邑厲壇

規制見祠壇

先期迎城

隍神位於壇榜無祀鬼而祭之凡祭用羊三豕三  
果四羹飯冥衣數百具其啓城隍詞曰維神彰善  
痺惡正直無私陽資燮理陰藉綱維茲當享厲奠  
以酒卮恭奉神主前蒞壇壇統攝諸類毋使參差  
飽飫

聖澤永免啼饑化為和氣為民護持其告城隍諭衆幽

永新縣志

秩禮卷五

祭祀

八十三

詞曰維神永新主宰統理陰陽今者節屆

清明中元孟冬遵

奉

朝廷典章請神臨蒞厲壇為衆幽主凡茲冥途孤滯  
或文場賁恨仕路輾軻飄零滅沒者或征戰刀兵  
炮石傷殘者或虎狼蛇蝎咬壞者或商旅資本無  
歸沉淪異地者或饑寒凍餒者或火燒水淹者或  
產厄墜胎隕軀者或牢獄斃命者或投繯服毒自  
刎者或雷霆震擊及瘟瘧瘴厲侵染諸般病喪者  
或受毒藥暗謀棍棒傷害者或投河墜井冤不能  
伸者或負債逋糧受逼及慮罪逃亾驚悸喪身者



以戮死跌死壓死墜崖陷死者或聾啞失明疾  
瘥殘疾無告者或僧尼道士無依歸者種種孤悽  
際此春雨既濡  
秋景凋零難望一盂麥飯我

皇上澤及枯骨

勅各郡縣有司城北設壇列於祀典某不敢一毫苟且

視為故事弗盡厥虔使爾等不得實沾

天朝雨露是用積誠行禮增以楮幣享以豕羊爾等共

鑒此衷咸集壇右聽神指揮護國庇民為永新百  
姓作之福焉謹告

**慶賀**

永新縣志

秩禮卷五

慶賀開讀救護

八十四

凡遇

萬壽千秋令節正且冬至知縣僚屬先期一日設萬歲

牌於萬壽宮習儀行九叩首禮次日黎明宮內行

禮

**開讀**

凡遇

詔赦使者至其一日報知所在官司設儀仗於本治照

依原降儀式迎接行禮

**救護**

凡迺日月薄蝕欽天監推算分秋及團復時刻預行



以外衙門前期設香案於露臺上設金鼓於儀門  
兩傍各官拜跪於露臺上下俱向日至期陰陽官  
報日初食各官行九叩首禮執事捧鼓詣班首擊  
鼓鼓三衆鼓齊鳴陰陽官報食甚贊唱跪行九叩  
首禮報復圓行禮如初月食行禮亦如前儀各官  
俱便服

**鞭春**

歲立春先一日祀勾芒之神於東郊詞曰惟神職司  
五穀恩育三農今屆首春合修祀事丹青設像雖  
屬風俗之常耕獲待時必資長養之力曰暘曰暘  
永新縣志 秩禮卷五 鞭春上任講讀 八十五  
曰兩日雨神庥廣庇年穀順成謹備香儀神其鑒  
只祀畢迎歸安於儀門外至交春時候縣官具朝  
服率僚屬親執綵杖行鞭春禮如制

**上任**

新官先一日致齋於城隍廟上任日祭城隍畢詣本  
治具公服行謝

恩禮畢行叅見禮畢乃諭僚屬畢乃置公移畢乃饗官  
屬父老

**講讀**

每朔望縣官親臨講所率集紳士耆民行禮畢講



聖諭廣訓

大清律例照依衍說直解逐條講說其各鄉鎮俱設講所紳士耆民傳集居民設立牌案行禮畢推善講者二人明白宣講

鄉飲

每歲正月十五日十月初一日舉行縣長官前期具書速賓凡致仕官及民有齒德儒行者咸與至日於學之明倫堂序立行相見禮三揖而後至階三讓而後升堂縣官為主位於東南大賓位於西北俱賓位於東北介賓位於次於東南九十者六豆八

永新縣志

秩禮卷五

鄉飲

八十六

十者五豆七十者四豆六十者坐五十者立縣之佐貳學官序爵坐皆西向耆老儒士序齒坐皆東向學官一人爲司正揚觶致辭其詞曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟弟恭內睦宗族外和鄉里無或廢墜以忝所生生員一人就律案講讀

御製大誥文詞曰

鄉飲之義賓以象天主以象地介賓以象日月三賓以象三光政教之本聖人務之是故好學不倦好禮



不及旄期稱道者與焉幼壯孝弟耄好禮不從流俗終身俟命者與焉爰率有司以月之令以日之吉乃加爾爵賓主具在共昭厥事敬爾威儀淑慎爾德黃耇無疆受天之慶

又講讀

大清律文餘禮俱載儀注

按古者設戒令於族師叙齒位於黨正春秋州長習射於序皆有籩豆酒食之薦鄉大夫飲國之賢者亦不廢酒禮其所以明齒教讓爲義一也蓋細民長幼雜作習於鄙野罔知禮義上之人不以爲

永新縣志

秩禮卷五

鄉飲

八十七

不足教親與揚觶以激其孝弟忠信之行而一時與其選者皆有歉然不自安之意誠以循名責實之不易也自周而降舉之者漢之永平晉之泰始唐之貞元行之者伏湛李栖筠裴輝卿數人而已後世漸及濫觴至有不可言者夫天地嚴凝之氣盛於西北故坐賓於西北坐介於東南以輔之律人以義也天地溫和之氣成於東南故坐主於東南坐俱於東北以翼之接人以仁也今以突梯滑稽脂膏絜楹之行濫冒鑽刺以希意外之榮爲宗以交遊光寵營者逐逐視者眈眈其於古人列壘



筵取象陰陽四時之義不且大謬歟今夫耕畊  
充倉庾商賈挾囊橐皆能繡佛飯僧架橋剗路還  
共見之金焚無用之券居鄉稱善人而家庭骨肉  
甚至借鋤德色取帝許語無孝弟忠信之事而竊  
孝弟忠信之名一經里選遂爲定評牢不可易且  
若非其人而更無可舉之也嗚呼上之所期者在  
彼而下之所應者在此雖欲不蹙蹙爲仁跽跽爲  
義率世人而盡趨於僞也不可得矣今

聖天子貴德尚齒粟帛之

賜歲無常額乃猶

永新縣志

秩禮卷五

鄉飲

八十八

加意鄉飲酒禮

御製大誥文頒行郡縣有司惟守常經何敢偏徇重違  
鉅典而或急於推廣

皇仁以必舉必行爲不廢禮受者不知重見者不知興  
滋引夤緣敗壞風俗不更甚於廢禮哉